

ՋՈԿԱՏԱՅԻՆ (ՊԱՐՏԻԶԱՆԱԿԱՆ) ՊԱՏԵՐԱԶՄԻ ԺԱՄԱՆԱԿՆ Է, ՊԵՏՔ Է ԱՆԳՆԵՆՔ ՀԱԿԱՀԱՐԶԱԿՄԱՆ

Posted on October 30, 2020 by Keghart



Category: [Opinions](#)



29 Հոկտեմբեր 2020

<https://youtu.be/Jv2PeFFijK4>

ԱՆԴՐԱՆԻԿԵԱՆ ՈԳԻՈՎ ԳԵՆԵՐԱԼ ԼԵՅՏԵՆԱՆՏ ԳԱԳԻԿ ՄԵԼԵՈՆԱՆԻ ԵԼՈՅԹԻՆ ԱՍՓՈՓՈՒՄԸ

Հայ ֆետայիին բնորոշ արտաքինով եւ Անդրանիկի ոգիով դաստիարակուած Գ. Լ. Գագիկ Մելքոնեան անցած է 1988-1994 Արցախի ազատագրութեան համար մղուած մարտերուն մէջէն եւ փայլուն յաջողութիւններ արձանագրած է յատկապէս ջոկատային (պարտիզանական) մարտերու ընթացքին: Այժմ ան կրկին անգամ ռազմաճակատի թէժ կրակներուն մէջ է նետուած: Վերջերս ան իր ելոյթով կարեւոր պատգամ փոխանցեց հայ ժողովուրդին: Ստորեւ կը ներկայացնենք ելոյթին գլխաւոր կէտերը: Փափաքողները կրնան դիտել ամբողջ տեսերիզը:

- 1) Թուրքագերիներ հաւատացած են որ իրենք անպատժելի են. իրենց համար հրադադարը ոչ մէկ արժէք կը ներկայացնէ:
- 2) Անոնք հաւատացած էին, որ իրենց հզօր զէնքերով քանի մը օրուան մէջ պիտի հասնին իրենց նպատակին: Անոնք չեն յաջողած մինչեւ օրս:
- 3) Մեր թիկունքին, Հայաստանի մէջ, երբ իրենց պատուհանները կը բանան եւ կը տեսնան թէ ամէն ինչ խաղաղ է, իրենց կը թուի թէ պատերազմը շատ հեռու է իրենցմէ: Պետք է գիտնալ եւ հասկնալ թէ հայկական բանակը հերոսաբար կը կռուի եւ պատրաստ է շարունակել կռիւը մինչեւ յաղթական ակարտ:
- 4) Սա մեր վերջին պատերազմն է, կա՛մ պիտի յաղթանակենք կամ ալ 1915-ը մեր աչքին առջեւն է:
- 5) Մենք լաւ գիտենք որ մեր դէմ կը կռուին ահաբեկիչները տարբեր մահմետական երկիրներէ եւ ամբողջ աշխարհի առջեւ կը կատարուի նոյն ցեղասպանութիւնը: Մենք մեր յոյսերնիս պետք է դնենք մեր վրայ. ամէն մէկ հայ պետք է մտածէ թէ ինչ կրնայ ընել եւ ինչպէս կրնայ իր մասնակցութիւնը բերել:
- 6) Ամէն կարող հայ պետք է զինական պատրաստութիւն ունենայ եւ այդպէս մեկնի ռազմաճակատ. պետք է ըլլան մարտունակ:
- 7) Ռազմաճակատի վրայ գտնուող մեր հրամատարներու մեծ մասը չէ մասնակցած 90-ական թուականներու կռիւներուն: Անոնք իրենց ռազմական փորձերը կատարած զինավարժութիւններու ընթացքին եւ զինուորական կայաններու մէջ (*պոլիգոն*): Պատերազմը եւ *պոլիգոնը* (կը հնչուի՝ փոլիկոն) տարբեր բաներ են:
- 8) Կոչ կ'ընեմ մեր հրամանատարներուն եւ սպայական կազմին, որոնք 90-ականներու փորձ ունին՝ գան ճակատ եւ իրենց խորհուրդներով ու գիտելիքներով օգտակար ըլլան

Մեզի:

9) Ճիշդ կ'ըսեն որ մենք մեր բոլոր զինուժը չենք օգտագործած, բայց շուտով, երբ այլևս դանակը մեր ոսկորին հասնի, այդ ժամանակ ամեն ինչն կ'օգտագործուի: Այժմ կարելորդ այն է որ մեր ժողովուրդի ոգին (*դուխը-ռուս.*) բարձր մնայ, իզուր տեղը խուճապի չմատնուի:

10) Պետք չունինք եւ ճիշդ չէ մեր զոհուածներու անունները հրապարակել, ոչ ալ ցոյց տալ ինչ որ քարտեզներ: Սա պատերազմ է՝ կը յառաջանաս, կը նահանջես, կը սպասես, նորէն կը յարձակիս՝ մինչեւ վերջնական յաղթանակ: Տղաներու (զինուորներու) ուղղակի խնդրանքն է նման բաներ չընել, որովհետեւ այդպիսով դուք թշնամիին ոգի կու տաք ու կը քաջալերէք:

11) Մի՛ լսէք այն խօսքերուն որ իբր սնունդի պակաս կայ: Ո՛չ: Մենք ո՛չ մէկ սնունդի պակաս ունինք:

12) Հրաժարական եւ այլն պահնջողներուն մի՛ լսէք, մեզ ոգեւորութենէ զրկելու փորձ ընողներուն երեսին թքէք: Մենք այստեղ այդպիսիներու պատիժը կու տանք տեղն ու տեղը: Մենք ոչ մէկ թիզ հող տուող ենք: Թուրքագերիները չեն խնայելու այդպիսի լուրեր տարածողներուն կանանց ալ՝ նոյնիսկ եթէ ճակատին գրեն թէ իրենք ինչ ըրած են:

Ամփոփեց՝ Մ.Գ.

Comments



armen – 2020-11-02 20:17:46

Աշխարհ գազինո չէ որ երեք հազարամեայ ազգ մը իր ճակատագրով խուճար խաղայ: Քաջութիւնը Արիւստեան ժամանակներու զէնքն է : Այս դարուն կարրուոր են քաղաքագիտութիւնը, իրապաշտութիւնը, և ռազմավարութիւնը: Մեր առջև դրուած է գոյութեանական հարց: Ամբոխավարութիւնը երբեք չի կրնար առաջնորդել կացութեան իսկական ըմբռնումին: Ոչ ալ կարելի է անգիջողականութիւնը շփոթել հայրենասիրութեան հետ: Հակառակորդէն պահանջել բան մը, որ ան չի կրնար տալ՝ յատկապէս այն պարագային երբ ան կը վայելէ համաշխարհային համամտութիւն իր կեցուացքին՝ պարզապէս անհնարին է առանց բռնի ուժի գործածութեան: Հայաստանի վարչապետին իրաժարումը բանակցային գործընթացէն՝ վերջնագիր մըն էր որուն մերժուելու պարագային Հայաստան իր նպատակին պիտի հասներ ռազմական միջոցառումով: Արդ, ինչ իմաստ կը ներկայացնէ Հայաստանի իշխանութեան պախարակողական կեցուացքը՝ հանդէպ ադրբեջանական յարձակումին: Այս երևոյթը ոչ միայն անհասկնալի է ու դատապարտելի՝ այլև ազգ մը սպանդանոց տանելու յանձագործութիւն: Արարք մը, որ անհասանելի է մարդկային երևակայութեան: Կենսաբանութեան մէջ տարրական օրէնք է. այն էակը որ չի կրնար յարմարիլ իր միջավայրին՝ կը մահանայ: Ինչ եզրակացնել բազմաթիւ հայերու, ներառեալ քաղաքական բարձր մակարդակի հասած պաշտօնակատարներու այն համոզումէն՝ թէ հայ և ազգերի եթնիկներու գոյակցութիւնը անկարելի է: Այսինքն այս երկու ազգերէն մէկը պետք է ոչնչանայ որ միւսը ապրի: Ես այս խօսքերը՝ որոնք արձանագրուած են միջազգային հարթակներու մէջ՝ կարդացել եմ և լսել կարգ մը հայերէ: Սակայն Ալիև երբեք նման հանրային արտայայտութիւն չէ ըրած, ինչքան գիտեմ: Արցախի լուծումը միջազգայնօրէն ընդունելի է երկու սկզբունքներու համադրումով. հողային ամբողջականութիւն Ատրբեջանի համար, և ինքնորոշման իրաւունք՝ Արցախի համար: Ասոնք են հիմունքները հարցի երկու կողմերու ցարդ համաձայնուած պայմաններուն, որոնք ծանօթ են Մատրիտեան Սկզբունքներ անունով: Վերանայուած տարբերակը՝ յուլիս 2009 թուին, կը կոչուի Helsinki Final Act: Բանակցութիւնները պիտի կայանան այս համաձայնութեան հիման վրայ: Արցախի հարցը պիտի ըլլայ ինքնորոշման լաւագոյն կարգավիճակ ձեռք ձգելու քաղաքական հեռատեսութեան մէջ: Բանակցութիւնները հաւանաբար ըլլան դժուար և երկար: Բայց հայ ժողովուրդը ուրիշ տարբերակ չունի իր վերապրումը և հետագայ զարգացումն ու բարգաւաճումը ամրահաստատ հիմներու վրայ տեղադրելու համար: Ի վերջոյ հաշտութիւն ըսուած բան մը կայ որ անպայմանօրէն պետք է հետևի բոլոր պատերազմներուն: Միջազգայնօրէն ճանացուած, մինչև այսօր իր փիլիսոփայութեան հետևորդներ ունեցող՝ հայ և յույն ծնողքէ Վրաստան ծնած Կիւրճիէֆ խօսք մը ունի. «Եթէ կ'ուզես գիշերը հանգիստ քնանալ՝ դրացիիդ հետ բարեկամացիր»: